

ԺԱ .

Պիտեր կաթ մի յայն գինուն որ խըմեց Ենովք 'ւ Եղիա,
 Խըմեց Տեր Գրիգորն Յայոց, ասաց թե՝ Յանգայ:
 Յայե՛ր, ա՛մ, դուք Է՞ր կուլայք, գիտե՞ք որ ձեր Տերըն տի գայ.
 Շատոնց մըթան լոյս արեր, կու վախեք թէ ձերն ուշանա՞յ:

ԺԲ .

Կանչեմ հոտ ի վեր, Ստեղծօց, զամենայն դարիպ դու պահե՛,
 Իմ եարն ի դարիպութիւն, իր կըրա՛կըն գինս կու երե.
 Չիր գալն ինձ շուտով արե՛, զիմ ամէն տերտըս նա գիտե.
 Չերեսս երեսին դընեմ որ հոգիս ի ծոցն ելանէ:

ԺԳ .

Խօշ եա՛ր, քեզ լալով սերա՛մ, ես ի քո քաղքէն կու գընամ.
 Բե՛ր պագնեմ զաչերդ ուներդ, երբ երթամ՝ չիկարօտանամ:
 Յայս աստուածաշէն ծոցեդ, երեսեդ՝ մահրում կու մընամ.
 Բացուեր ես ի վարդ նըման, ես պըլպուլ ի դեմ քեզ կուլամ:
 Մարդ չեղնամ թ'ել եար սիրեմ կամ ըզքո սերըն մոռանամ,
 Կամ զքո անուշիկ պագիկն թէ սրտես հանեմ ուրանամ:
 Թե՛ նուշ թէ շաքար ուտեմ, առանց քեզ՝ իմ հալն է հարամ:
 Ապրեր եմ քըսան տարի ու շարեր հազար տարոյ դամ:
 Ի՞նչ շահ է իմ շատ ապրիլն, որ առանց սիրուդ կու մընամ:
 Ես ու դուն, հոգեկս, ես ու դուն, ես ու դուն՝ մէ՛կ տօշկեկ ի քուն.
 Ես ու դուն, աչկո՛ւնք, ես ու դուն, ես ու դուն՝ օթվա՛ն սարերուն:
 Չետ ասա՛, հոգե՛կ, զետ ասա՛, զաչքդ ուտե՛մ՝ զուներդ ի վըրայ:

ԺԴ .

Յա՛յ իմ ննըման նըման, մայրըն չէ բերեր քեզ նըման.
 Այդ քո ըռանայ մագերդ որ առեր վըզիդ մանեման,
 Զաշե՛ փունջ մ'ինձ տուր նըշան, ես օտար երկիր կու գընամ.
 Զանի դուն իմ միտքս անկնիս, երեսիդ դընեմ քեզ փոխան:

ԺԵ .

Ուսկայ կու գընամ, խօ՛շ եար, արե՛կ զիմ ճամբեկըն օրինե՛.
 Տարեկ մի օֆա պահե՛, գերեսիկդ ի մարդոյ ծածկե՛.
 Թե՛ գամ նա տուան արա, թէ չըգամ նա դու սեւ ներկե.
 Յագա՛ր ամանաթ, հո՛գի, յետեւ ինձ ըզսերըն թարկե՛: